

Rhybudd o Benderfyniadau **Cyfarfod y CABINET**
A gynhaliwyd dros fideo gynhadledda **Dydd Mawrth, 18 Mai 2021**

Cyhoeddir y Rhybudd hwn am 5.00pm ddydd Dydd Iau, 20 Mai 2021. Y dyddiad olaf i dderbyn cais i alw unrhyw benderfyniad i mewn yw 5.00 pm ddydd Dydd Iau, 27 Mai 2021 drwy ei anfon at Bennaeth y Gwasanaethau Democraataidd. Daw'r penderfyniadau I rym (os na fydd yna gais idlys i'wgalw i mewn) ddydd Dydd Gwener, 28 Mai 2021

YN BRESENNOL; Cynghorydd Ellen ap Gwynn (Cadeirydd), Y Cynghorwyr Cynghorydd Dafydd Edwards, Cynghorydd Catherine Hughes, Cynghorydd Gareth Lloyd, Cynghorydd Catrin Miles, Cynghorydd Ray Quant MBE a/ac Cynghorydd Alun Williams

HEFYD YN BRESENNOL: Y Cynghorwyr Ceredig Davies, Lynford Thomas a Ivor Williams.

(10.00 - 11.30 am)

1 Ymddiheuriadau

Derbyniwyd ymddiheuriadau am beidio â bod yn bresennol yn y cyfarfod oddi wrth y Cynghorydd Rhodri Evans ac Eifion Evans, Prif Weithredwr.

2 Materion Personol

- i. Mynegwyd cydymdeimlad â Wyn a Mary John a'u teulu yn dilyn marwolaeth drasig eu mab.
- ii. Mynegwyd cydymdeimlad â Bronwen Morgan (cyn Brif Weithredwr) a'i theulu yn dilyn marwolaeth ddiweddar ei mam.
- iii. Llongyfarchwyd y Gwasanaeth Tai ar ennill Gwobr Caffael Aur am eu cynllun 'Cartrefi Cynnes'.
- iv. Dathlodd Gynllun Cymraeg Gwaith Cyngor Sir Ceredigion lwyddiannau yng ngwobrau Cymraeg Gwaith Cymru. Enillodd Mariolina Lai, sy'n Gynorthwydd Gofal Dydd ym Min-y-Môr, y wobwr am y 'Dysgwr sydd wedi gwneud y cynnydd gorau ar lefelau Sylfaen+'. Daeth Alison Newby, sy'n Diwtor Rhifyddeg, Llythrennedd a Threfniadaeth Busnes, yn ail am y wobwr 'Dysgwr lefel Sylfaen+ sy'n gwneud y Defnydd Gorau o'r Gymraeg at bwrpas Gwaith'. Daeth Dewi Huw Owen, Swyddog Hyfforddi Cymraeg Gwaith y Cyngor, yn ail am y wobwr 'Tiwtor Cymraeg Gwaith y Flwyddyn'. Estynnwyd llongyfarchiadau i'r tri.
- v. Dywedodd y Cynghorydd Lynford Thomas ei fod, yng nghyfarfod arbennig y Cabinet a gynhaliwyd ar 30 Mawrth 2021, wedi cyfeirio'n anfwriadol at wybodaeth a oedd wedi'i chynnwys mewn adroddiad eithriedig nad oedd ar gael i'r cyhoedd. Ymddiheurodd yn ddiffuant am y diofalwch a oedd wedi mynd yn groes i God Ymddygiad yr Aelodau.

3 Datgelu buddiannau personol / buddiannau sy'n rhagfarnu

Datgelwyd buddiannau personol / buddiannau sy'n rhagfarnu yn eitem 13 isod gan y Cynghorwyr Catherine Hughes a Ceredig Davies a gadawsant y cyfarfod pan drafodwyd y mater hwnnw.

4 Diweddariad ar lafar gan Arweinydd y Cyngor a'r Prif Weithredwr parthed COVID-19

Rhoddodd Arweinydd y Cyngor, Ellen ap Gwynn, ddiweddariad ar lafar mewn perthynas â COVID-19. Dywedodd fod y ffigurau'n parhau i fod yn isel yn y sir ond mae angen i bawb barhau i fod yn wyladwrus. Mae'r rhaglen frechu yn parhau'n effeithiol ledled y sir ac mae'n debygol y bydd y brechiadau cyntaf yn cael eu cwblhau yn gynt na'r disgwyl. Disgwylir i'r ail frechiadau gael eu cwblhau erbyn mis Medi.

Gall lleoliadau lletygarwch nawr agor yn llawn a gall hyd at chwech o bobl o wahanol aelwydydd rannu bwrdd y tu mewn. Gall hyd at 30 o bobl gymryd rhan mewn gweithgareddau dan do wedi'u trefnu a gall hyd at 50 o bobl gymryd rhan mewn gweithgareddau awyr agored wedi'u trefnu.

Mae profion yn parhau ar gyfer staff ysgolion a disgyblion ysgolion uwchradd drwy Brofion Llif Unffordd ddwywaith yr wythnos. Mae Profion Llif Unffordd bellach ar gael i ofalwyr di-dâl hefyd. Mae ysgolion wedi agor yn llawn ac mae disgyblion blynyddoedd 11, 12 a 13 yn cwblhau eu hasesiadau ar hyn o bryd.

Bydd caeau chwarae ysgolion yn ailagor ac ar gael i'r gymuned eu defnyddio ar ôl gwyliau'r hanner tymor a bydd Canolfannau Hamdden Aberaeron a Llanbedr Pont Steffan ynghyd â phwll nofio Llanbedr Pont Steffan yn agor ar 7 Mehefin 2021. Mae angen gwaith adfer sylweddol ym Mhlascrug a gwnaed trefniadau amgen ar gyfer defnyddio Neuadd Chwaraeon Penglais.

Disgwylir i wersi cerddoriaeth wyneb yn wyneb mewn ysgolion ailgychwyn ddiwedd mis Mehefin.

Mae'r parthau diogel wedi'u haddasu a byddant yn cael eu defnyddio dros wyliau'r hanner tymor ac yn ystod 6 wythnos o wyliau haf yr ysgolion.

Mae ymweliadau dan do mewn Cartrefi Gofal bellach ar gael drwy drefnu ymlaen llaw, a bydd ymweliadau dan do ar gael lle bo angen. Mae ymweliadau yn y podiau a ddarperir yn y Cartrefi Gofal yn parhau a byddant ar gael ar gyfer ymweliadau hirach yn fuan.

5 Cadarnhau Cofnodion Cyfarfod y Cabinet a gynhaliwyd ar 16 Mawrth 2021 ac unrhyw faterion sy'n codi o'r Cofnodion hynny. PENDERFYNIAD

Cadarnhau Cofnodion Cyfarfod y Cabinet a gynhaliwyd ar 16 Mawrth, 2021 yn rhai cywir.

Materion yn codi:

Nid oedd materion yn codi o'r cofnodion.

6 Cadarnhau Cofnodion Cyfarfod Arbennig y Cabinet a gynhaliwyd ar 30 Mawrth 2021 ac unrhyw faterion sy'n codi o'r Cofnodion hynny. PENDERFYNIAD

Cadarnhau Cofnodion Cyfarfod y Cabinet a gynhaliwyd ar 30 Mawrth, 2021 yn rhai cywir.

Materion yn codi:

Nid oedd materion yn codi o'r cofnodion.

7 Unrhyw ddeisebau a dderbynwyd: Deiseb ynghylch diogelwch ar ffordd y B4340

Nodwyd bod y deisebau uchod wedi dod i law ac yr ymdrinnid â hwy yn unol â chanllawiau'r Protocol Deisebau

8 Unrhyw benderfyniadau (os oes rhai) a alwyd i mewn gan y Pwyllgorau Trosolwg a Chraffu.

Dim.

9 Unrhyw adborth gan y Pwyllgorau Trosolwg a Chraffu sydd ddim ar yr agenda.

Gweler penderfyniad 14.

10 Ystyried adroddiad y Swyddog Arweiniol Corfforaethol ar gyfer Ysgolion a Diwylliant ynghylch: Polisi Cludiant o'r Cartref i'r Ysgol PENDERFYNIAD

- i. Cymeradwyo'r cynnig i ddileu'r ddarpariaeth sedd wag ac i gydymffurfio â Rheoliadau Hygyrchedd Cerbydau Gwasanaeth Cyhoeddus 2000
- ii. Cymeradwyo'r broses apeliadau ddiwygiedig i adlewyrchu gofynion Cyfansoddiad yr Awdurdod Lleol
- iii. Cymeradwyo'r Polisi Cludiant o'r Cartref i'r Ysgol diwygiedig fel y'i cyflwynwyd.

Rheswm dros y penderfyniad:-

- 1. Cydymffurfio â Rheoliadau Hygyrchedd Cerbydau Gwasanaeth Cyhoeddus 2000*
- 2. Cydymffurfio â Rhan 7 Cyfansoddiad yr Awdurdod Lleol o ran aelodaeth o'r Panel Apeliadau Cludiant Addysg*

11 Ystyried adroddiad y Swyddog Arweiniol Corfforaethol ar gyfer Ysgolion a Diwylliant ynghylch: Cynrychiolwyr yr Awdurdod Lleol ar Gyrrff Llywodraethol PENDERFYNIAD

Cadarnhau enwebu'r sawl a enwir yn yr adroddiad yn gynrychiolwyr yr Awdurdod Lleol ar Gyrrff Llywodraethol yr ysgolion perthnasol.

Rheswm dros y penderfyniad:

Er mwyn enwebu cynrychiolwyr yr Awdurdod Lleol ar Gyrrff Llywodraethol.

12 Ystyried adroddiad y Swyddog Arweiniol Corfforaethol ar gyfer Ysgolion a Diwylliant ynghylch: Polisi Gwrth-fwlio Ysgolion Ceredigion. PENDERFYNIAD

- i. Cymeradwyo canllawiau ar gyfer Polisi Gwrth-fwlio Ceredigion Hawliau, Parch a Chydraddoldeb 2019; a

ii. Argymhell bod Cyrff Llywodraethol Ysgolion Ceredigion yn mabwysiadu'r Polisi.

Rheswm dros y penderfyniad:-

Diweddarau a rhannu gwybodaeth gyda'r Cabinet ar y Dogfennau Canllawiau diweddaraf ar Wrth-fwlio yn Ysgolion Ceredigion.

**13 Ystyried adroddiad y Swyddog Arweiniol Corfforaethol ar gyfer Cyllid a Chaffael ynghylch: Cynllun Rhyddhad Ardrethi Manwerthu, Hamdden a Lletygarwch 2021-22 Llywodraeth Cymru
PENDERFYNIAD**

Mabwysiadu Cynllun Rhyddhad Ardrethi Annomestig - Manwerthu, Hamdden a Lletygarwch 2021-22 Llywodraeth Cymru fel Rhyddhad Ardrethi Annomestig Dewisol o dan Adran 47 o Ddeddf Llywodraeth Leol 1988.

Rheswm dros y penderfyniad:-

Er mwyn cefnogi busnesau lleol gan ddefnyddio'r cyllid grant sydd ar gael.

**14 Ystyried adroddiad y Swyddog Arweiniol Corfforaethol ar gyfer Pobl a Threfnidiaeth ynghylch: Polisi Adnoddau Dynol: Polisi'r Gofalwyr gan gynnwys adborth o'r Pwyllgor Trosolwg a Chraffu Adnoddau Corfforaethol
PENDERFYNIAD**

i. Argymhell cymeradwyo'r Polisi Gofalwyr gan gynnwys yr ychwanegiadau canlynol fel yr argymhellwyd gan y Pwyllgor Trosolwg a Chraffu Adnoddau Corfforaethol:

a. Cynnwys rhif ffôn yr Uned Gofalwyr ym Mharagraff 11.2

b. Cynnwys manylion cyswllt yr Uned Gofalwyr yn Adran 6

c. Cynnwys rhifau ffôn Galw Iechyd Cymru yn Adran 6

d. Ychwanegu'r paragraff canlynol at Adran 9.1:

'Yn ystod argyfyngau, megis pandemig Covid-19, roedd gorfod gweithio gartref yn rhoi cyfle i rai gofalwyr gydbwyso eu gwaith a'u cyfrifoldebau gofalu. Roedd y profiad yn caniatáu gwell dealltwriaeth o'r hyblygrwydd sydd ar gael mewn unrhyw rôl benodol i'r gweithiwr a'r rheolwr llinell.'

ii. Nodi'r adborth oddi wrth y Pwyllgor Trosolwg a Chraffu Adnoddau Corfforaethol

Rheswm dros y penderfyniad:-

Er mwyn cydnabod a chefnogi gweithwyr sydd â chyfrifoldebau gofalu sylweddol ochr yn ochr â'u cyflogaeth â thâl.

**15 Ystyried adroddiad y Swyddog Arweiniol Corfforaethol ar gyfer Priffyrdd a Gwasanaethau Amgylcheddol ynghylch: Mabwysiadu Coed y Bryn, Aberaeron
PENDERFYNIAD**

i. Awdurdodi codi Hysbysiad Adran 228, ac

ii. Os na ddaw gwrthwynebiadau, yn bwrw ymlaen â'r broses fabwysiadu.

Rheswm dros y penderfyniad:-

I sicrhau y cynhelir llesiant y trigolion drwy gydol y gwaith parhaus o arolygu a chynnal heol yr ystâd.

**16 Ystyried adroddiad y Swyddog Arweiniol Corfforaethol ar gyfer Priffyrdd a Gwasanaethau Amgylcheddol ynghylch: Cludo, didoli ac ailgylchu Deunydd Eildro Sych Cymysg
PENDERFYNIAD**

- i. Cytuno i ddyfarnu'r contract i'r Tendr Mwyaf Manteisiol yn Economaidd, yn amodol ar gyfnod segur statudol o 10 niwrnod.

Rheswm dros y penderfyniad:-

Galluogi cludo, didoli ac ailgylchu deunydd eildro sych cymysg a gesglir o ddrws i ddrws.

**17 Ystyried adroddiad er gwybodaeth y Swyddog Arweiniol Corfforaethol ar gyfer Porth Cynnal ynghylch: Adroddiad Diogelu Grwp Gweithredol Lleol ar y Cyd-CYSUR/CWMPAS, Chwarter 3 2020-21
PENDERFYNIAD**

- i. Nodi'r adroddiad er gwybodaeth.

**18 Ystyried adroddiad er gwybodaeth y Swyddog Arweiniol Corfforaethol ar gyfer Porth Cynnal ynghylch: Adroddiad Rheoli Perfformiad y Gwasanaeth Adolygu Annibynnol Chwarter 3, 2020/21
PENDERFYNIAD**

- i. Nodi'r adroddiad er gwybodaeth.

**19 Ystyried adroddiad y Swyddog Arweiniol Corfforaethol ar gyfer Priffyrdd a Gwasanaethau Amgylcheddol ynghylch: Caffael Contract Cludo, didoli ac ailgylchu Deunydd Eildro Sych Cymysg
PENDERFYNIAD**

- i. Peidio â gwahardd y cyhoedd a'r wasg o'r cyfarfod oherwydd ni thrafodwyd y ddogfen yn gyhoeddus.
- ii. Nodi'r wybodaeth o fewn yr adroddiad.

20 Unrhyw fater arall y penderfyna'r Cadeirydd fod arno angen sylw brysgan y Cabinet

Dim.

Cadeirydd: _____

Dyddiad: _____